

ENT'ON VAS PASTOROLETA ?

Ent'on vas pastoroleta ?
He't drin ençà.
En aquesta pradeta,
Nat lop non i a !
Revira tas aulhetas,
Luenh deu brocar.
Jo t'amassi floretas,
Ça-vi m'aidar !

Si vòs còca o milhada,
Jo te'n harèi.
O si aimas mei calhada,
Jo te'n darèi.
Ací joena pastora,
Pòts comandar :
Cò qui èi non demora
Qu'a t'agradar.

Per la còsta e la plana
Si vòs maison,
Jo t'aufri ma cabana
Dap hèra d'aunor.
Enlòc seràs plaguda
Mei que per jo
Ni tanpòc recebuda
Dap tant d'amor.